

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apequtit imaattut saqqummiuppakka:

- 1. Nuummi umiarsualivissaarsualiornissaq umiarsualivinnut sinerissamiittunut qanoq pitsanngoriaatsinik nassataqartussaava?**
- 2. Nunaqarfinnut illoqarfinnullu pilersuinerup pitsaanerulernissaanik qanoq ittunik kinguneqassava?**
- 3. Illoqarfinni nunaqarfinnilu umiarsualiviit pitsanngorsarneqarnissaminnik kinguussaasut qanoq ittunik pilersaaruteqarfigineqarpat?**
- 4. Innarluutillit pitsorluttullu eqqarsaatigalugit talittarfiit niuffigiuminarsarnissaat aamma pisarialerujussuuvoq, illoqarfinni minnerunngitsumillu aamma nunaqarfippassuarni tamanna ajornartorsiutaammat. Tamakkua Naalakkersuisut qanoq pitsaanerulersinniarpaat?**

(Ruth Heilmann, Siumut)

Tunngavilersuut:

Nalunngilarput sinerissami illoqarfinni umiarsualiviit atorpeqarnerat ullumikkut killeqaqisumik atorpeqartut. Ilaat ullorpassuarni imaqanngittuurtuuppup uffa Nuummi tattorliuttoqartoq. Imatut paasigakku Nuummi umiarsualivissaarsualiorneq sinerissamut ataqatigiissarlugu iluaqutitaqartumik pilersaaruteqarfigineqartoq, tamanna ilumoornerseq paasilluarusunnarami, aarlerinarmat killormuanik ajorseriaatinillu pisoqarumaartoq. Taamaassappat akueriuminaatsoqarluni.

Iiami ullumikkut sineriatinni umiarsualiveqarnikkut talittarfeqarnikkullu pissutsit qivieraanni umiarsuarnik angallatinillunniit anginerusunik taliffigineqarsinnaanngitsoqarnera akueriuminaattuaannarpoq. Taamaattoqarnera ilumoorlunilu imaakkami takornariartaatinut angisuunut inunnillu angalasunut ulorianartuullutik niuffilunnertik pissutigalugu tassuunakkut aamma innarluutillit utoqqaat pitsorluttullu eqqarsaatigineqassanatik. Pingaartumik aamma ukiumi apisumi serminikkaangamik tininngasumilu ulorianartaqimmata ajutoortoqarsinnaaneraniillu kinguneqartarluni. Taamaattumik umiarsualiviit talittarfiillu sinerissamiittut isigiumallugit aamma piaartumik pitsanngorsaanissaq avaqunneqarsinnaanngilaq.